



**KOORDINACIONI ODBOR VRHOVNIH INSTITUCIJA ZA REVIZIJU
KOORDINACIJSKI ODBOR VRHOVNIH INSTITUCIJA ZA REVIZIJU
КООРДИНАЦИОНИ ОДБОР ВРХОВНИХ ИНСТИТУЦИЈА ЗА РЕВИЗИЈУ**

Polazeći od Zakona o reviziji institucija Bosne i Hercegovine kojim je osnovan Koordinacioni odbor vrhovnih institucija za reviziju, kojeg čine generalni revizori i zamjenici generalnih revizora Ureda za reviziju institucija BiH, Glavne službe za reviziju javnog sektora Republike Srpske i Ureda za reviziju institucija u Federaciji Bosne i Hercegovine¹, na 70. sjednici Koordinacionog odbora, donose se sljedeće

**SMJERNICE ZA AKTIVNOSTI KOORDINACIONOG ODBORA
VRHOVNIH INSTITUCIJA ZA REVIZIJU**

I

(Koordinacioni odbor)

- (1) Koordinacioni odbor čine generalni revizori i zamjenici generalnih revizora ureda za reviziju institucija BiH, Republike Srpske i Federacije Bosne i Hercegovine.
- (2) Koordinacionim odborom predsjedava generalni revizor Ureda za reviziju, a u odsustvu, njegov ovlašten predstavnik.
- (3) Nadležnosti Koordinacionog odbora su:
 - a) uspostavljanje konzistentnih vodiča i uputstava zasnovanih na INTOSAI revizijskim standardima;
 - b) razmjena profesionalnih iskustava i težnja ka osiguranju konzistentnog kvaliteta revizije;
 - c) organizacija i koordinacija razvojnih aktivnosti sva tri ureda za reviziju;
 - d) dodjeljivanje revizorske odgovornosti za zajedničke aktivnosti;
 - e) određivanje predstavljanja u međunarodnim tijelima.
- (4) Koordinacioni odbor donosi odluke konsenzusom. Svaki ured za reviziju ima po jedan glas.
- (5) Stručne i administrativno-tehničke poslove za potrebe Koordinacionog odbora osigurava Ured za reviziju.
- (6) Troškove Koordinacionog odbora i osiguravanja stručnih i administrativno-tehničkih poslova zajednički snose institucije za reviziju, na osnovama koje će definirati Koordinacioni odbor.

¹ Ured za reviziju javne uprave i institucija u Brčko distriktu BiH ima status posmatrača u Koordinacionom odboru vrhovnih institucija za reviziju u BiH.

II

(Ciljevi i prioriteti)

Koordinacioni odbor prednost će dati strateškim ciljevima i prioritetima utvrđenim na XX. Kongresu INCOSAI²-a (XX. Kongresu Međunarodne organizacije vrhovnih institucija za reviziju – INTOSAI) koji se ogledaju u sljedećem:

- *Podrška osiguravanju nezavisnosti VRI*
- *Implementiranje ISSAI okvira*
- *Podrška izgradnje kapaciteta VRI*
- *Demonstriranje vrijednosti i koristi od VRI*
- *Promicati borbu protiv korupcije*
- *Unaprijedjenje komunikacije unutar INTOSAI-a*

III

(Preporuke SIGMA-e)

U okviru uloge Koordinacionog odbora kao kohezivnog faktora u razvoju VRI, Koordinacioni odbor će se fokusirati na aktivnosti zasnovane na preporukama sadržanim u *Izveštaju SIGMA-e o kolegijalnom pregledu vrhovnih revizionih institucija u BiH 2012. godine*, a koje imaju svrhu da pomognu revizorskim institucijama da se razvijaju u pravcu potpuno djelotvornih vrhovnih revizorskih institucija u skladu sa međunarodnim standardima i dobrom evropskom praksom.

IV

(Operacionalizacija)

Koordinacioni odbor će svaku od prednje navedenih aktivnosti razmatrati na sjednicama Koordinacionog odbora u cilju njihove operacionalizacije u skladu sa potrebama i okolnostima.

Broj: 06-50-1-8-1/13
Datum: 17.10.2013. godine

PREDSJEDAVALAČI
KOORDINACIONOG ODBORA

Milenko Šego

² Zaključci iz Johaneshurga od 27. novembra 2010. godine